

Uunga siunnersuut: Inatsisartut Suleriaasiata allangortinneqarnera. (Naalackersuisut siulittaasuata Naalackersuisunullu ilaasortat allat oqaaseqarsinnaatitaaneri, kiisalu Inatsisartunut ilaasortat najuutinngikkallartarnerat pillugu malittarisassat)
(Inatsisartut Siulittaasoqarfiat)

Akissuteqaat

(Naalackersuisut Siulittaasuata)

Siullermeerinnineq

Naalackersuisut aallarniutigalugu maluginiarpaat siunnersuut Inatsisartut Suleriaasianni Siulittaasoqarfiup Inatsisartunut ilaasortap najuutinngikkallarnissaanik akuersinissamut periarfissaqarnera pillugu aalajangersakkap allangortinneqarnissaanut siunnersuummik imaqartoq.

Suleriaasissap taama ittumik allangortinneqarnissaanut Naalackersuisut oqaaseqaatissaqanngillat.

Siunnersuut aammattaaq Suleriaasissamut ilanngussami oqaaseqarnissamut periarfissaritat allangortinneqarnerannik imaqarpoq.

Allanguutit malitsigisaannik Naalackersuisut Siulittaasuata ullormut oqaluuserisassani immikkoortup oqaluuserineqarnera naggaserlugu 2 imaluunniit 5 minutsit angullugit oqaaseqarnissamik piunasaqarsinnaatitalissaq.

Siunnersuummut saqqummiunneqartumut nassuiaatini allassimavoq ”Oqaluuserisassani immikkoortup naammassinnginnerani oqaaseqartut kingullertut oqaluuserisassani immikkoortut ataasiakkaat pillugit isumaqatigiinniarnert naggasersinnaanissaannut Naalackersuisut Siulittaasuata periarfissinneqassaaq.”

Suleriaasissami oqaaseqarnissamut periarfissaritat allangortinneqarnissaannut siunnersuut, 2016-imi ukiaanerani ataatsimiinnermi Inatsisartut aalajangiiffigisassaattut siunnersuuttip Suleriaasissami ilanngunneqarneratut, Siulittaasoqarfimmit oqaatigineqarpoq.

Siulittaasoqarfi Suleriaasissap allangortinneqarnissaanik siunnersuummik saqqummiussissasoq pillugu Inatsisartut aalajangiiffigisassaattut siunnersuut, 2016-imi ukiaanerani ataatsimiinnermi Inatsisartut isumaqatigiittut akueraat. Naalackersuisut Siulittaasuata sukkulluunniit oqaaseqarumanissaa ajornarunnaarsinneqassasoq. Aaliangigassatut siunnersuummi akuerineqarsimasumi ilanngunneqarpoq suleriaasissami oqaaseqatigiit makkua ilanngunneqassasut ”Naalackersuisut Siulittaasuata tamanna kissaatigiguniuk qaquguluunniit Naalackersuisut Siulittaasuata oqaaseqarnissamik piunasaqarsinnaasoq”.

Aammattaaq aalajangiiffigisassatut siunnersuummi allassimavoq, Naalackersuisut Siulittaasuata Naalackersuisut tamarmiusut sinnerlugit oqaaseqarnissamut periarfissinneqarnissaa, Suleriaasissap allangortinneqarnissaanik siunnersuuteqarnermi siunertaasoq.

Suleriaasissap allangortinneqarnissaanik siunnersuuteqarnermi Naalackersuisut Siulittaasuata aatsaat naggasiutigalugu oqaaseqarernerup imaluunniit oqaaseqarnermut piffissaliussanut maleruagassat allat atorneqareernerisa kingorna Naalackersuisut sinnerlugit oqaaseqarnissamut

periarfissaqalissaaq. Tamatuma malitsigisaanik Naalakkersuisut Siulittaasuat oqallinnerup pissusissamisoortumik aammalu allanngorartuartumut ilaatillugu Naalakkersuisut tamarmiusut sinnerlugit akissuteqarsinnaanissamut periarfissaqassanngilaq.

Naalakkersuisut tamanna tunngavigalugu inassutigaa Inatsisartut siunnersuummut saqqummiunneqartumut ilusimisut iluseqartillugu tapersiissanngitsut.

Naalakkersuisut siunnersuut allanngortinneqassasoq inassutigaa, taamaalilluni Naalakkersuisut Siulittaasuat ullormut oqaluuserisassani immikkoortup suliarineqarnerata nalaani sukkulluunniit oqaaseqarsinnaassalluni, taamaalilluni allanngortitsineq 2016-imi ukiaanerani ataatsimiinnermi Inatsisartut aalajangiiffigisassaannut akuerineqartumut naapertuutilissalluni.

Taamatut oqaaseqarlutik Naalakkersuisut Inatsisartut siunnersuummik suliarinninnissaat qilanaaraat.